



**Cyfoeth
Naturiol**
Cymru
**Natural
Resources**
Wales

Nodiadau Cyfarwyddyd

Canllaw Technegol: Eithriadau gweithgarwch perygl llifogydd

Dyddiad Cyhoeddi: Ebrill 2016

NC: 45

Perchennog y Ddogfen: Tim Strategaeth Risg Llifogydd

Hanes y Fersiwn:

Fersiwn y Ddogfen	Dyddiad Cyhoeddi	Crynodeb o'r Newidiadau
1.0	Ebr-2016	Creu dogfen
2.0	Ionawr-2017	Cyfeirio diweddarwyd i ddeddfwriaeth

Dyddiad Adolygu: Medi 2022

Cyflwyniad

Mae'r ddogfen hon yn nodi'r amodau y bydd angen i chi eu bodloni os byddwch yn dymuno ymgymryd ag eithriad Gweithgarwch Perygl Llifogydd dan Reoliadau Trwyddedu Amgylcheddol (Cymru a Lloegr) 2016.

Os bydd unrhyw ran o'ch gwaith arfaethedig yn mynd y tu hwnt i neu heb fod yn bodloni'r amodau sydd wedi eu pennu gan yr eithriad perthnasol, ni fydd modd i chi gyflawni'r gweithgarwch heb gofrestru i gael eithriad neu wneud cais am Drwydded Gweithgarwch Perygl Llifogydd arbennig.

Bydd y ddogfen 'CYD 220: Canllaw Technegol ar ddiffiniadau gweithgarwch perygl llifogydd' sydd ar gael ar wefan Cyfoeth Naturiol Cymru yn eich cynorthwyo i ddehongli ystyr unrhyw dermau yn y canllaw hwn nad ydych efallai yn siŵr ohonynt.

Defnyddiwch y cynnwys isod i neidio i'r eithriad penodol sydd o ddiddordeb i chi.

Cynnwys

Gweithgarwch Perygl Llifogydd eithriad 2: Gweithgarwch brys.....	4
Gweithgarwch Perygl Llifogydd eithriad 4: Gweithgarwch sydd angen trwydded forol yng Nghymru	5
Gweithgarwch Perygl Llifogydd eithriad 5: Ysgolion a thyrau sgaffaldiau	6
Gweithgarwch Perygl Llifogydd eithriad 6: Gwasanaeth sy'n croesi oddi mewn i adeiledd sydd eisoes yn bod	7
Gweithgarwch Perygl Llifogydd eithriad 7: Dyfeisiadau gwarchod rhag llifogydd sy'n sownd wrth adeilad	9
Gweithgarwch Perygl Llifogydd eithriad 8: Gwaith mân ar neu sy'n cael effaith ar bontydd a chwlferi.....	10
Gweithgarwch Perygl Llifogydd eithriad 9: Ffensys	12
Gweithgarwch Perygl Llifogydd eithriad 10: Maglau pysgod.....	14
Gweithgarwch Perygl Llifogydd eithriad11: Hysbysfyrdau	16
Gweithgarwch Perygl Llifogydd eithriad 12: Maglau gwaddodion wedi eu codi'n bwrpasol	17
Gweithgarwch Perygl Llifogydd eithriad 13: Dyfrdyllau a thyllau prawf archwilio safle.....	18

Gweithgarwch Perygl Llifogydd

eithriad 2: Gweithgarwch brys

Disgrifiad o'r gweithgarwch: Unrhyw weithgarwch sy'n cael ei gyflawni mewn achos brys.

Mathau o weithgarwch na allwch eu cyflawni:

Ymatebion a gynlluniwyd ymlaen llaw i sefyllfaoedd brys, e.e. amddiffynfeydd wedi eu cynllunio.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau cynllunio

- Nid yw'r gweithgarwch hwn yn weithgarwch brys a gynlluniwyd ymlaen llaw. Golyga hyn unrhyw weithgarwch sydd wedi ei gynllunio mewn ymateb i sefyllfa frys cyn i honno ddigwydd.

Amodau amser a dull

- Bydd y person sy'n cyflawni'r gweithgarwch yn rhoi hysbysiad ysgrifenedig i'r rheolydd cyn gynted ag y bydd hynny'n ymarferol bosib yn nodi bod y gweithgarwch yn mynd yn ei flaen a'r amgylchiadau adeg cyflawni'r gweithgarwch.
- Mae pŵer y rheolydd i gyflwyno adferiad yn gymwys mewn achos lle mae gweithgarwch wedi ei gyflawni drwy ddibyniaeth ar yr eithriad hwn fel pe bai'r gweithgarwch hwnnw'n weithgarwch anawdurdodedig.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 4: Gweithgarwch sydd angen trwydded forol yng Nghymru

Disgrifiad o'r gweithgarwch:

Gweithgarwch sydd angen trwydded forol yng Nghymru.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau amser a dull

- Mae cais am drwydded forol wedi ei gwneud mewn perthynas â'r gweithgarwch hwnnw.

Pethau eraill y mae angen i chi eu gwybod

I gael mwy o wybodaeth am Drwyddedau Morol, defnyddiwch y ddolen gyswllt ganlynol:

<https://naturalresources.wales/apply-for-a-permit/marine-licensing/marine-licences/?lang=en>

Gweithgarwch Perygl Llifogydd eithriad 5: Ysgolion a thyrau sgaffaldiau

Disgrifiad o'r gweithgarwch:

Codi a defnyddio ysgolion a thyrau sgaffaldiau ("cyfarpar").

Mathau o weithgarwch y gallwch eu cyflawni: Defnyddio ysgol a/neu dŵr sgaffaldiau i gael mynediad i, er enghraifft bwa pont, wal, parapet ac ati.

Mathau o weithgarwch na allwch eu cyflawni:

Codi sgaffaldau ar draws sianel neu wyneb pont.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau amser a dull

- Mae addasrwydd cyflwr yr afon yn cael ei adolygu gan y gweithredwr ar bob diwrnod gwaith.
- Mae'r cyfarpar yn cael ei godi ar bob diwrnod gwaith pan fydd ei angen.
- Mae'r cyfarpar yn cael ei symud ymaith ar ddiwedd pob diwrnod gwaith ac yn cael ei storio y tu allan i'r afon a'i glannau.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 6: Gwasanaeth sy'n croesi oddi mewn i adeiledd sydd eisoes yn bod

Disgrifiad o'r gweithgarwch:

Adeiladu a defnyddio croesfannau gwasanaeth oddi mewn i adeiledd sydd eisoes yn bod.

Mathau o weithgarwch y gallwch eu cyflawni:

Gosod dwythell dan droedffordd a/neu ddec pont ffordd.

Mathau o weithgarwch na allwch eu cyflawni:

Gosod dwythell ar arwyneb allanol pont neu islaw lefel ei bondo.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau cynllunio

- Mae'r groesfan yn gyfan gwbl oddi mewn i broffil gwreiddiol yr adeiledd sydd eisoes yn bod.

Amodau amser a dull

- Nid yw'r rheolydd wedi anfon hysbysiad at berchennog y tir yn nodi bod yr adeiledd wedi ei bennu ar gyfer ei symud ymaith neu ei addasu er mwyn cyflawni'r mesurau sydd wedi eu nodi yn y Cynllun Rheoli Basn Afon perthnasol, oddi mewn i ystyr Erthygl 13 y Gyfarwyddeb Fframwaith Dŵr, a fwriadwyd er mwyn symud corff o ddŵr i statws da yn unol ag erthygl 4 y Gyfarwyddeb Fframwaith Dŵr.
- Nid yw cyfarpar sy'n gysylltiedig â'r gwaith yn cael ei storio ar wely neu lannau'r brif afon; ac
- Nid oes unrhyw waith yn cael ei wneud o'r brif afon neu o lannau'r brif afon.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 7: Dyfeisiadau gwarchod rhag llifogydd sy'n sownd wrth adeilad

Disgrifiad o'r gweithgarwch:

Gosod dyfais sy'n gwarchod rhag llifogydd yn uniongyrchol ar adeilad er mwyn gwarchod tu mewn yr adeilad hwnnw.

Mathau o weithgarwch y gallwch eu cyflawni:

Gosod byrddau/gatiau drws a gorchuddion brics awyru fel mesurau gwarchod rhag llifogydd yn uniongyrchol ar yr adeilad.

Mathau o weithgarwch na allwch eu cyflawni:

Codi torlannau a/neu fflodiardau o amgylch yr eiddo, h.y. i ffwrdd oddi wrth yr adeilad dan sylw.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau amser a dull

- Mae'r amddiffynfa rhag llifogydd sy'n cael ei roi gan y ddyfais yn berthnasol yn unig i'r adeilad y gosodwyd y ddyfais arno.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Gweithgarwch Perygl Llifogydd eithriad 8: Gwaith mân ar neu sy'n cael effaith ar bontydd a chwlferei

Disgrifiad o'r gweithgarwch:

Cyflawni gwaith mân ar neu sy'n cael effaith ar bontydd a chwlferei yn achos priffyrdd a hawliau tramwy cyhoeddus ("gwaith mân").

Mathau o weithgarwch y gallwch eu cyflawni:

Gwaith ar gyfer priffyrdd a hawliau tramwy cyhoeddus; ail-bwyntio gwaith maen; tynnu chwyn.

Mathau o weithgarwch na allwch eu cyflawni:

- Leinio cwlfer sydd eisoes yn bod.
- Ymestyn adeiledd presennol pont.
- Gosod sgriniau sbwriel neu barapetau solet.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau amser a dull

- Nid yw'r gwaith mân yn cael effaith ar, neu gallai gael effaith ar, y gwely, glannau, lefel dŵr, rhediad arferol neu lifeiriant llifogydd yn y brif afon.
- Nid yw cyfarpar sy'n gysylltiedig â'r gwaith mân yn cael ei storio ar wely neu lannau'r brif afon.
- Nid oes unrhyw waith yn cael ei wneud o'r brif afon neu o lannau'r brif afon.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 9: Ffensys

Disgrifiad o'r gweithgarwch:

Codi Ffensys.

Mathau o weithgarwch y gallwch eu cyflawni:

Codi ffensys math amaethyddol.

Mathau o weithgarwch na allwch eu cyflawni:

- Adeiladu wal frics/goncrit neu adeiledd arall tebyg.
- Wal solet neu ffens.
- Ffensys palis.
- Weiren ieir.
- Codi unrhyw ffensys, rheiliau neu wahanfur ar draws sianel prif afon.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau cynllunio

- Mae'r ffensys wedi eu gwneud o:
- Postyn a rheilen;
- Postyn a rhwyll weiar gyda mwy na 100 milimetr o fylchiad;
- Postyn a gwifrau weiar.

Amodau amser a dull

- Nid yw'r ffensys wedi eu lleoli ar wely neu lannau'r brif afon;

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 10: Maglau pysgod

Disgrifiad o'r gweithgarwch:

Defnyddio maglau pysgod dros dro.

Mathau o weithgarwch y gallwch eu cyflawni:

Gosod strwythur tebyg i fagl pysgod.

Mathau o weithgarwch na allwch eu cyflawni:

Maglau pysgod wrth ymyl gored.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.
- Mae'r fagl wedi ei lleoli mwy na 50 metr i fyny neu i lawr yr afon o unrhyw argae neu adeiledd arall yn y sianel.

Amodau cynllunio

- Nid yw mesuriadau'r fagl yn fwy na 2 metr x 1 metr x 0.75 metr.

Amodau amser a dull

- Mae unrhyw fagl, neu gyfuniad o faglau, sydd wedi eu gosod yn y brif afon yn llai na thraean o led y sianel.
- Nid yw'r fagl yn cael ei defnyddio pan yw'r brif afon mewn llif uchel.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd

angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 11: Hysbysfyrddau

Disgrifiad o'r gweithgarwch:

Codi hysbysfyrddau.

Mathau o weithgarwch y gallwch eu cyflawni:

Codi bwrdd dehongli.

Mathau o weithgarwch na allwch eu cyflawni:

Adeileddau hysbysfyrddau oddi mewn i sianel prif afon a/neu oddi mewn i sianel gynllunio cynllun lliniaru llifogydd.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.
- Mae'r bwrdd yn fwy na 2 fetr oddi wrth unrhyw gwifer, amddiffynfa bell neu adeiledd amddiffyn rhag llifogydd ar y brif afon ac oddi wrth unrhyw amddiffynfa forol.
- Mae'r bwrdd yn fwy na 2 fetr o ochr glan yr afon tua'r tir.

Amodau cynllunio

- Mae'r bwrdd wedi ei gysylltu wrth ffensys sydd eisoes yn bod neu wrth byst parhaol sy'n sefyll ar eu pennau eu hunain.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig amoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Dylid cymryd gofal i sicrhau nad yw'r arwydd yn cyfyngu ar fynediad i gerbydau cynnal a chadw.

Gweithgarwch Perygl Llifogydd eithriad 12: Maglau gwaddodion wedi eu codi'n bwrpasol

Disgrifiad o'r gweithgarwch:

Clirio maglau gwaddodion sydd wedi eu codi'n bwrpasol.

Mathau o weithgarwch y gallwch eu cyflawni:

Symud tywod a silt o fagl gwaddodion sydd wedi ei chodi'n bwrpasol.

Mathau o weithgarwch na allwch eu cyflawni:

Symud silt o wely naturiol yr afon.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.

Amodau amser a dull

- Dim ond tywod a silt sy'n cael eu clirio o'r fagl.
- Nid yw'r gwaith yn golygu bod tywod neu silt yn cael eu cario i lawr yr afon.
- Lle mae'r tywod a'r silt o'r gwaith clirio yn cael ei wasgaru ar y gorlifdir, bydd yn cael ei daenu i ddyfnder sydd heb fod yn fwy na 100mm a dim agosach na 8 metr o naill lan yr afon a'r llall tua'r tir.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Gweithgarwch Perygl Llifogydd eithriad 13: Dyfrdyllau a thyllau prawf archwilio safle

Disgrifiad o'r gweithgarwch:

Dyfrdyllau a thyllau prawf archwilio safle oddi mewn i orlifdir.

Mathau o weithgarwch y gallwch eu cyflawni:

Dyfrdyllau archwilio safle.

Mathau o weithgarwch na allwch eu cyflawni:

Gwaith sy'n cael effaith ar gyfanrwydd adeileddau sydd eisoes yn bod.

Amodau allweddol

Ni ddylech wneud unrhyw beth yn fwy nag y mae'r eithriad hwn yn ei ganiatáu neu fel arall ni fydd eich gweithgarwch yn cael ei eithrio.

Amodau gofodol

- Nid yw'r gweithgarwch i'w gyflawni hyd at neu o fewn 100m o brif afon sydd wedi ei dosbarthu fel un sydd â statws uchel morffolegol.
- Mae'r holl waith yn fwy na 5 metr o unrhyw gwifer, adeiledd amddiffynfa bell neu amddiffynfa rhag llifogydd ar y brif afon ac oddi wrth unrhyw amddiffynfa forol.
- Mae'r holl waith yn fwy nag 8 metr o lannau prif afon nad yw'n afon lanwol.
- Mae'r holl waith yn fwy na 16 metr o lannau prif afon lanwol.

Amodau amser a dull

- Mae'r holl waith yn cael ei gwblhau, gan gynnwys ail-lanw'r dyfrdwl neu'r pwll, cyn pen 48 awr.

Pethau eraill y mae angen i chi eu gwybod

Gallwch ddefnyddio'r Map Perygl Llifogydd sydd ar wefan Cyfoeth Naturiol Cymru i wirio lleoliad Prif Afonydd: <https://naturalresources.wales/our-evidence-and-reports/maps/flood-risk-map/?lang=en>

Nid yw'r eithriad hwn yn cynnwys unrhyw waith dros dro sydd ei angen ar gyfer adeiladu. Cyn cyflawni'r gweithgarwch hwn, dylech gysylltu â'ch swyddfa CNC leol i drafod a fydd angen trwydded arbennig arnoch o bosib ar gyfer unrhyw waith dros dro sydd ei angen yn ystod camau adeiladu'r prosiect.

Argymhellir bod llwyfannau tyllu a'r holl gyfarpar cysylltiedig yn cael eu symud o sianel y brif afon a'r gorlifdir pan fydd yr holl waith wedi ei gwblhau.